

Bil. S 35

**PERLEMBAGAAN NEGARA BRUNEI DARUSSALAM**  
**(Perintah dibuat di bawah Perkara 83(3) dan (5))**

**PERINTAH PERBEKALAN TAMBAHAN (2010/2011) (BIL. 5), 2017**

BAHAWASANYA Kebawah Duli Yang Maha Mulia Paduka Seri Baginda Sultan dan Yang Di-Pertuan dengan suatu Pemasyhuran Darurat bertarikh 26 haribulan Januari 2017 telah mengisytiharkan dan memasyhurkan mulai dari tarikh tersebut suatu keadaan darurat bagi seluruh Negara Brunei Darussalam.

DAN BAHAWASANYA adalah diperuntukkan oleh Perkara 83(3) dari Perlembagaan Negara Brunei Darussalam bahawa apabila suatu Pemasyhuran Darurat telah dibuat dan selagi Pemasyhuran tersebut berkuat kuasa, Kebawah Duli Yang Maha Mulia Paduka Seri Baginda Sultan dan Yang Di-Pertuan boleh membuat apa jua Perintah pun yang Baginda fikirkan dikehendaki bagi kepentingan orang ramai.

DAN BAHAWASANYA adalah diperuntukkan oleh Perkara 83(5) dari Perlembagaan Negara Brunei Darussalam bahawa Kebawah Duli Yang Maha Mulia Paduka Seri Baginda Sultan dan Yang Di-Pertuan boleh, dengan Perintah tersebut, membuat semua peruntukan kewangan yang difikirkan perlu oleh Baginda selama tempoh darurat itu, termasuk peruntukan bagi perkhidmatan awam.

DAN BAHAWASANYA satu jumlah wang empat bilion, sembilan ratus lapan puluh lima juta, tujuh ratus lapan puluh lima ribu dan enam ratus ringgit (\$4,985,785,600.00) telah diperuntukkan oleh Akta Perbekalan (2010/2011), 2010 (Akta 1 tahun 2010).

DAN BAHAWASANYA satu jumlah wang enam belas juta, tiga ratus enam puluh tiga ribu ringgit (\$16,363,000.00) telah diperuntukkan oleh Perintah Perbekalan Tambahan (2010/2011) (Bil. 1), 2011 (S 4/2011).

DAN BAHAWASANYA satu jumlah wang dua puluh empat juta, tiga ratus lapan belas ribu, lapan ratus sembilan puluh lapan ringgit dan empat belas sen (\$24,318,898.14) telah diperuntukkan oleh Perintah Perbekalan Tambahan (2010/2011) (Bil. 2), 2011 (S 49/2011).

DAN BAHAWASANYA satu jumlah wang dua belas juta, tujuh ratus dua puluh enam ribu, tujuh ratus lapan puluh tiga ringgit dan empat puluh enam sen (\$12,726,783.46) telah diperuntukkan oleh Perintah Perbekalan Tambahan (2010/2011) (Bil. 3), 2011 (S 50/2011).

DAN BAHAWASANYA satu jumlah wang lapan puluh empat juta, dua ratus tujuh puluh sembilan ribu, enam ratus dua puluh empat ringgit dan enam puluh satu sen (\$84,279,624.61) telah diperuntukkan oleh Perintah Perbekalan Tambahan (2010/2011) (Bil. 4), 2011 (S 51/2011).

DAN BAHAWASANYA adalah sekarang perlu untuk mengadakan satu peruntukan tambahan sebanyak sebelas juta, tiga ratus sembilan puluh sembilan ribu, dua ratus empat puluh lima ringgit (\$11,399,245.00).

OLEH YANG DEMIKIAN MAKA, pada menjalankan kuasa-kuasa yang diberikan oleh Perkara 83(3) dan (5) dari Perlembagaan Negara Brunei Darussalam, Kebawah Duli Yang Maha Mulia Paduka Seri Baginda Sultan dan Yang Di-Pertuan dengan ini membuat Perintah yang berikut —

**Gelaran**

1. Perintah ini boleh digelar sebagai Perintah Perbekalan Tambahan (2010/2011) (Bil. 5), 2017.

**Perbelanjaan tambahan bagi tahun 2010/2011 dan peruntukan**

2. (1) Pengeluaran sejumlah wang yang tidak melebihi sebelas juta, tiga ratus sembilan puluh sembilan ribu, dua ratus empat puluh lima ringgit (\$11,399,245.00) dari Kumpulanwang Yang Disatukan bagi perbelanjaan ke atas perkhidmatan-perkhidmatan yang dinyatakan dalam ruang kedua Jadual bagi tahun 2010/2011, yang tidak diperuntukkan atau tidak diperuntukkan sepenuhnya oleh Akta Perbekalan (2010/2011), 2010 (Akta 1 tahun 2010), Perintah Perbekalan Tambahan (2010/2011) (Bil. 1) (S 4/2011), 2011, Perintah Perbekalan Tambahan (2010/2011) (Bil. 2), 2011 (S 49/2011), Perintah Perbekalan Tambahan (2010/2011) (Bil. 3), 2011 (S 50/2011) dan Perintah Perbekalan Tambahan (2010/2011) (Bil. 4), 2011 (S 51/2011), adalah dengan ini dibenarkan.

(2) Bagi maksud-maksud ceraian (1), jumlah wang yang dinyatakan dalam ruang ketiga Jadual adalah diperuntukkan bagi tajuk perbelanjaan yang dinyatakan dalam ruang pertama kepada Jadual ini.

WARTA KERAJAAN NEGARA BRUNEI DARUSSALAM

---

JADUAL

| [1]<br>Tajuk<br>perbelanjaan | [2]<br>Gelaran                 | [3]<br>Jumlah wang<br>yang<br>diperuntukkan |
|------------------------------|--------------------------------|---------------------------------------------|
| KEMENTERIAN PENDIDIKAN       |                                |                                             |
| SF01A                        | Jabatan Kementerian Pendidikan | \$11,399,245.00                             |
|                              |                                | <hr/> \$11,399,245.00 <hr/>                 |

Diperbuat pada hari ini 11 haribulan Rejab, Tahun Hijrah 1438 bersamaan dengan 8 haribulan April, 2017 di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA  
PADUKA SERI BAGINDA SULTAN DAN YANG DI-PERTUAN  
NEGARA BRUNEI DARUSSALAM